

朱右白吟

魯陽集

于右




張菊生先生
惠贈



菊生先生 斧正

後學朱廣福敬呈



3 0581 0238 9

序

我友泰興朱右白，今之哲人且詩人也。平日處世接物，壹以真性情相酬酢。且時時表現充分之哲意，或圓潤之詩意，在同儕中爲特出之彥！頃惠示

白詩存

現易今名

一冊，中分魯易、他山、哀樂、鴻爪、新聲五集，

新聲集僅載哭松青一篇，子後作爲附錄。

其他另刊

皆近十年來之創作。右白感情深摯，於祖國憂患，言之惻怛，魯易集中，

能以工部沈鬱之氣韻，佐以劍南明哲之筆姿，引人深入，最爲上乘。如亂後：

「霧裏山川失故津，坐觀戰伐一番新！至今唯有橫濱水，一片東流慘

不春！」

余最悉讀，爲哀僞滿：

「今年有客海東回，聞道新羅百可哀！南內孤王懸一榻，清風明月待

君來！」

序



餘如神州「遠山歷歷浸初旭，碧樹家家悵野烟……」

金陵晚眺「……請君試上臺城望，秋雨秋風滿六朝。」

志士讀之激發，頑夫聞之驚駭，而右白純自真性情中道出其傷感耳。天地間唯真性情之人，其了解最爲明礪，觀察最爲犀利，表現最爲晶澈。他山集中，如秋日憶清華同學五首，又如贈陳漱子，皆情文並茂。余所最嗜，爲海上餞別侯大：

「一別三載隔，積思等山阜！秋深子不來，落日回我首！何意新春花，復對故人酒？……便爾長積廢，也共心魂守。君不見船頭日落風怒號，明日相思隨海潮！」

贈愚可六首，第三云：

「秋深頻問關河信，落日空餘鼓角哀！杜老詩情王粲賦，一齊併入感

中來！

寄仲翔甘肅云：

「一載同門友，相思不見君；唯將雙淚眼，遙望隴西雲。」

哀樂集中，悲慟南海及觀堂之歿，而追悼新會之什尤多；如梁門哀感錄都九首，其第八記與侯子同舟：

「昔與無爲侯，同登大海舟！風波不能寐，起眎立船頭；船頭浪翻覆，撼

天天欲縮，如出先生文，海天波一幅……」

如此真切哀感之流露，何啻嫋婉之聲，自忘爲啼；水晶之瀉，無所不入。其於家庭骨肉之追憶，華年錦瑟之悲愴，惻款動人，意溢言表。

尤能以詩筆發摛哲理，如

靜坐二首。

人生二首。

大造歌二首。

待愁詞九首。

鬯言志趣，如咏梅云：

「空有憐芳意，梅開今幾時？漫須惜遲莫，還與共襟期！」

吾人諷詠詩存，如觀右白之爲人，及見右白，亦如咏其所作之詩存。人與詩已二而一，是文藝能彰著整個之人格，人格能把握奧衍之文藝，此亦所謂「不隔」，夫隔不隔豈僅藝術，實人與文離合之測量度也。

縱一切衡之藝術，然哀樂集中如梁門哀感錄第六，記朗潤消暑，云：

「……相對消永日，物我兩相忘！白日忽西匿，林陰遂不長！栖鳥心不定，獨乃臨風翔，三匝既無依，宛轉歸故鄉！迄今懷泗水，涕淚感滄桑。」

送姚公允咨葬：

「……執紼江上村，風飄雨又昏。野草枯黃色，綠楊寂寞痕。栖鴉驚野哭，落月淡孤燈！不見道旁影，空驚月下魂！哀思終何益？祇爲平生恩。」

唐以後罕見此作，當求之泉明靈運間也。

新聲集直追時下詩體，復酷似古體詩及樂府小令等。舟中三首，頗類楚詞。哭松青最見筆力，不亞昌黎祭十二郎文，及小倉祭妹文，是語體詩之別開生面者，右白當融新舊而會通之也。

續貂數語，藉述離思，雪夜屋梁，恍睹顏色！

學弟侯塲拜志於古右北平。 壬申小除夕

魯陽集目錄

序

魯陽集

莫干峯上看浮雲刺外交也

九月十八夜日軍暴至我軍以無抵抗失守遼吉聞警感賦

對菊感賦

一、贈馬占山

二、喻暴日

三、哀東省

四、論國聯

五、贈義軍

六、征婦詞

目錄

魯陽集

二

慰馬占山將軍及其部屬

曉雞詞

瀋陽變後之東京

論國聯及九國非戰公約

聞錦州之圍感而賦此

論外交

贈蝶

感賦

韓人刺日皇有感

感事詩

國府遷洛感賦

卽感

一月廿八日日軍進犯閘北幸賴十九路軍浴血應戰寇不得逞詩以志感

亂後

截句

過開北商務印書館故墟

送義勇軍友人出關

哀僞滿

過開北

堯欄

辛未除夕聞國府遷洛之耗不禁有感

神州

聞國府仍將西遷長安感作

金陵晚眺

壬申中秋

歲晚登虎邱感作

目錄

魯陽集

感懷

九日感賦

出塞聲

中華四千年禦侮歌

他山集

秋日憶清華同學五首

一、憶仲翔

二、憶達人

三、憶佺厂

四、憶虛心

五、憶子馨

海上餞別侯大

感賦示清華諸同輩

送友之遼東

呈吏部陳散原太老師

寄塵頃以所著續秋雪詞見示敬題三首

贈陳漱子

贈愚可

戊辰春日感懷寄姚達人清華

喜重華學社成立兼勗諸同學

贈柳心

題桐竹園呈春嶠兄

寄仲翔甘肅

感示某君

秋日懷子雲汪吟龍安慶

寄友

目錄

魯陽集

感示仲翔

哀樂集

輓康南海太老師

題損淚集

輓海寧王師靜庵

輓梁師任公

同上

梁門哀感錄

一、記海甸觀燈

二、記初謁

三、記西柳村散步

四、記天橋買葛

五、記諸園廢興

六、記朗潤消暑

七、記別子馨

八、記與侯子同舟

九、記北海訓話

輓侯嫂吳夫人並慰芸子

悼亡

記送姚公允咨葬

悲懷

遺踪

憶舊

輓潘母康太儒人

輓楊丈

悼內弟松青

目錄

魯陽集

輓康侯叔祖

壽仲生太叔祖七十

賀桂樵內弟續絃

祝商務印書館三十五週紀念

鴻爪集

江北行

春郊偶步

頤和園

題諧趣園

午睡

登塔

題金山塔

靜坐

待愁詞

紅葉

蘆花

詠梅

不寐

過圓明園

題圓明園故井

詠雪

古別離

九日登天平靈巖諸山

大造歌

木芙蓉爲淑宏作

記辛未大水

目錄

魯陽集

棠花

萊服

人生

階前紅牡丹落成二絕

立夏

改淑鴻寄姊淑文之作

聞江北匪患感作

蘇遊

歸來

論建設

蛛網

論學

題小園竹石

懷舊

歸來

過墓田

感作

立春日梅軒招飲

飛鳥曲附某女士詞

惆悵詞

敬題曼君叔祖桂之華軒詩集

呈叔清岳叔

盼書

偶感

到家口占

荷蓮

目錄

魯陽集

聞蛙

立身吟

燕太子丹遣荆軻入秦

黃河

長江

驥江秋晚

橋頭

齊宮怨

贈淑宏

孤光

偶題

花間

附錄

記淑宏哭四弟松青辭

魯陽集

莫干峯上看浮雲

刺外交也

九州此日成何象？一片腥膻不忍聞！烽火三邊天黯澹，樓船萬國氣氤氳；行人誰弔戰場骨？指往歲中東路失敗事，僑客空悲瘞旅文！此大死難僑胞報傳計九十五人，爲五大塚塋於萬寶山，噫，慘矣。訴與淒涼終不管，莫干峯上看浮雲。

九月十八夜日軍暴至我軍以無抵抗失守遼吉聞警感賦

大錯公然鑄九州，更無鷹隼與高秋！義山句膏腴已分非吾土，壇坫何心爲我謀？義山句落日鼓笳空自急，清宵弦管幾曾休？將軍誤有承平樂，不道天王是父仇！

對菊感賦

一、贈馬占山

傲骨錚錚耐歲寒，霜天慣戰夕陽殘；往軍中曾列戎行庭前幾輩溫柔種，野艸閒花一例刪！

二、喻暴日

颯颯西風歲晚期，傲霜花發故遲遲；鄰兒似識春難久，別卻櫻花抱菊枝。

三、哀東省

一角輿圖忽改顏，尙餘平野血漫漫！多情縱有黃花在，破碎河山不忍看。

四、論國聯

連宵風雨却淒其！何苦寄身向短籬？我自含情猶未發，待看來歲與簷齊。

五、贈義勇軍

莫教苦喚奈何天！寄語同袍意氣堅；收拾滿園新錦繡，枝枝葉葉曉霜前！

六、征婦詞

揮手長亭落日斜，胡天九月聽悲笳；裹尸馬革男兒志，莫爲黃花便憶家。

慰馬占山將軍及其部屬

漢家厄十世，今見霍嫖姚，入塞復出塞，野營軍務勞。孤軍屯絕塞，賊衆如蝟毛，不見援師至，空傷去國遙！奮身猶殺賊，一死久弁髦，還我中華土，凌煙意氣高！烽火夜蕭蕭，雪花滿戰袍，丈夫寸矢在，莫放單于逃！

曉雞詞

紅日斑斑到曉雞，將軍海燕共幽棲；那知片刻流連處，已報東師下錦西。

瀋陽變後之東京

青天直北一聲雷，四百兆人盡舉哀！回首遙知日出處，萬家歌管是蓬萊。

論國聯及九國非戰公約

紙障千秋不足憑，誤他和戰尙模稜；徹天鶴唳聞江上，盡夜猿聲出孝陵；

後秋

學生以請願不遂，有泣陵園之組織。

藩鎮當時空誤國，盟壇今日豈先滕；

正義國聯之必不能以

尙能平膝薛之爭也。

孤忠竟有黃衫客，

指小白龍，老北風等。

九死餘生血未凝！

聞錦州之圍感而賦此

漢家何日見天威？張發奎氏久有援黑日極河山忍淚揮！三省旌旗旋改色，滿城風雨又重圍；桂
林豪氣終何在？之志迄未成行何也易水歌聲去不歸！時各地義勇軍方揭竿而起留得
神州三戶在，可堪終老首陽薇？

論外交

萬里西風尚乞秦，秋深宛轉墮迷津！長城以外餘焦土，危廈之中盡醉人！見
說他鄉非故國，還聞舊鬼泣新隣，異時賴有平戎計，一紙降書卽退兵。

贈蝶

姹紫嫣紅未及秋，一番苦爲覓溫柔；百花過盡寒潭日，蝴蝶翩翩也自愁！三句卽「藕花相向野塘中」意也。

感賦

如此山河一角殘，秋深落日照沈瀾！錦州已陷休回顧，眼見岵夷盡入關。

韓人刺日皇有感

九日報載：韓人李鳳章，狙擊日皇，誤中副車，引起日內閣總辭職事，不禁有感！

韓亡空見博浪沙，一擊依然中副車；自是神明真貴胄，固應媿死老中華！
三韓往事應非賒，四顧河山賸幾些？不幸祖龍猶未死，請看禍水遍天涯。

感事詩

曩在清華，見王師靜庵書篋錄唐韓偓詩，有句云：『中華地向城邊盡，外國雲從島上來！』

『當韓之賦此詩，與師之寫此詩，俱各有其時代背景，隨感而發；然自遼瀋不守，龍錦繼陷以來，長城以外，幾非我土，二語不覺爲今日神州之寫照，吾知二公泉下有靈，其懷痛尙不止於當日者！』全詩今已不記，勉爲完成一首，與有心人一瀾江山之淚也！

黑水白山滿劫灰，西風忍淚一登臺；『中華地向城邊盡，外國雲從島上來！』

「泉下久知今日事，秋深能得幾人哀？將軍夜半樓頭月，緩舞輕歌却未回！」

國府遷洛感賦

都門舉首看狼烟，三日金陵鷁鳥旋；自是愁心關不住，獨應無計比周遷。
金粉南朝閱廢址，于今王氣到中州；漢陵晉寢都無恙，上溯龍興值幾秋？
逝水流光二十秋，干戈南北總無休！漢家料有中興日，只恐勞人易白頭！
洛邑由來天下中，四周山勢莫能雄；金陵虎據雖云險，尙要長江鐵鎖封！

卽感

聲聲炮火逼江灣，簷瓦霜高斗柄寒；蝴蝶夢中驚起坐，勞人午夜聞長嘆！

一月二十八日日軍進犯開北幸賴我十九路軍浴血應戰
寇不得逞詩以志感

驀地愁雲罩九霄，寧須自哭哭同胞？河山半壁爭螳臂，風雨危塵着燕巢！北

里衣香他日宴南州袍澤更誰豪諸君愛國丹心在任爾千秋總不拋！

亂後

霧裏山川失故津，坐觀戰伐一番新！愁來天地成芻狗，亂後樓台付鳥人；謂俗

飛機爲鳥人碧血當時猶在眼，香車忽地已成塵！至今唯有橫濱水，一片東流慘

不春！橫濱河在四川路寶山路間

截句

霧裏山川失故津，坐觀戰伐一番新！至今唯有橫濱水，一片東流慘不春！

過開北商務印書館故墟

舊館廳零迹已陳，重來忽復墮迷津！無端臺閣空灰燼，當路豺狼仍棘榛！日時

駐兵未退野水平添今日恨，苑花猶似去年春！請君莫訴興衰淚，共結干城可禦

秦！

送義勇軍友人出關

馬上驪歌聽未終，嗟君此去意何窮？
長河水歷三門險，大漠春無一點紅！
向晚義聲騰塞北，經年殺氣遍關東！
何時返旆江亭坐，追訴龍沙血戰功？

哀僞滿

聞溥儀爲日人所挾，僞主滿蒙，回憶三百年前，愛親入關時，何等聲威！倏忽時過境遷，乃復乞憐於人，重蹈石敬瑭吳三桂之覆轍，而自貽禍於同胞，在溥儀亦不可謂得也。因成

三首以諷之。

暫時粉墨又登場，千古誤人石敬瑭！
不記甲申當日事，阿誰竟得主中邦？
河山事業自擔當，媚外幾須看下場？
昨日恢恢天宇淨，初聞下詔撤藩王。
今年有客海東回，聞道新羅百可哀！
南內孤王懸一榻，清風明月待君來！

過閭北

舞榭歌臺跡已陳，嬌鶯語燕一傷神！不知歷盡干戈後，復有人間幾許春？

憑欄

自起危闌望，河山落日斜！前程應有夢，後顧更無家！不盡魚龍幻，空悲道路賒！賈生舊時淚，流恨向天涯。

辛未除夕聞國府遷洛之耗不禁有感

孤影沉沉夜似年！玉梅心事小籬邊；北天未撤黃龍戍，南浦空驚若木烟！秦

地山川委西極，周家甲子紀東遷；偏安伊古終非計，只是今朝又惘然！平王東遷

以後成周之地，悉爲秦有，秦卽坐是而大，周則由是而衰，前車之迹可鑒也。今日有主西遷，而謂至必要時，寧放棄濱海諸省，以便作長期之抵抗者，未嘗非偷安之說也。

神州

極目神州易可憐，春來紅雨復蹁跹！遠山歷歷浸初旭，碧樹家家悵野烟！南

渡諸公矜一擊，北廷豎子控三邊！
臨安往事君須記，說到偏安計已偏！

聞國府仍將西遷長安感作

永夜潮聲喧急灘，有人待月自危欄！
偶瞻北斗依南斗，誰把長安作暫安？
白下江山天下阻，褒中歲月夢中寬！
異時裂盡關東地，釜底何心爲一官？

金陵晚眺

斜日金陵魂可消，草生陌路柳蕭蕭！
請君試上臺城望，秋雨秋風滿六朝！

壬申中秋

此夜初聞桂子香，天風吹淚滿衣裳！
泠然欲覓花間醉，不爲懷人也斷腸。

政日

府是日正式承
認滿洲僑組織。

獨立秋風思正長，月華如水復如霜！
分明照得關山在，幾樹烟迷是瀋陽？

歲晚登虎邱感作

歲晚不得志，獨驅上高台。極目愁未已，長嘯天地哀。誰能將禹域，一爲返蓬萊？

晚景歸林麓，佳人殊未來！天風終浩蕩，暮雨灑塵埃。憂時成獨嘆，我馬尙虺隤。

感懷

亂世誰當飲太和？中原無限入悲歌！一畀草草將淹歲，三豕紛紛競渡河。往日心期成逝水，祇今山海付頽波！憑誰訴與長風願，京邑烟深愧薜蘿！

九日感賦

無端悵觸是秋空，不盡懷人風雨中！北極河山威草木，南天消息憾魚龍！空傳百國衣裳會，詎見九州車馬同？姬晉田齊俱老大，合教于越得稱雄！
諸國各有

顧忌而不能出師討日，則日之坐大宜也。

出塞聲

廿載閉門自相殺，一朝豺虎擁山來！頃刻三省非我有，北門之險安在哉？聞傳

山海關已失守

東省疆吏號小張，雅儒風流口尙黃！寇至公然勿抵抗，聲聲餉械呼

中央；中央藉口向國聯，他人那能爲我憐？經歲壇坫無消息，義軍塞上張空

拳！亦有使臣知愛國，舌敝唇焦心未伏！亦有書生知愛國，短褐提戈向窮谷！

亦有女史知愛國，捐與明珠論百斛！

報載某女士曾罄其私蓄四萬元贈黑義軍

亦有武士知

愛國，浦江雄鬼夜夜哭！嗚呼！中華民氣固如此，四百兆人心豈盡死！努力殺

將關外去，不愧中華一男子！君不見胡馬氣正驕，寒水雪如刀！角聲方起霆

雷動，旌色長懸日月高！與子歸來解戰袍！不然一死戀沙場，也將淨土護忠

骨；久勝蓬窗風雨臥，準備餘生就薇蕨！

中華四千年禦侮歌

嗚呼！中華有國豈偶然？河山大地共蜿蜒！人口號稱四萬萬，衣冠文化日無前！溯自我祖軒轅氏，始作舟車造弓矢，制度漸興武事昌，涿鹿一戰蚩尤死！立我中華數千年之根柢，拓我神州數千萬之方里。神禹萬國會塗山，防風後至不復還；凜然聲威有如此，諸侯臣服仰天顏！嗚呼，一悲兮徒歎噓！今我中華已何如？

春秋儼然大義在，兩字「尊攘」總無改；筆削駸駸斧鉞尊，此意常流有誰解？夷吾振古一英雄，九合一匡數霸功；尤自平生建奇蹟，南驅荆楚北山戎。嚮令斯世微斯人，久已神州安左衽；無怪尼山秉直筆，含頤屢欲稱其仁！嗚乎，二悲兮空悵惘！今我中華其安仰？

中原英主相繼出，秦有始皇漢武皇；始皇遣師三十萬，備胡築城萬里長！至今峴然遼塞上，猶爲神州資保障。熱河失陷後，華軍暫依長城作防。武皇開邊心未已，欲朝

四海爲天子！西方諸國仰堯明，北海羣羊牧漢使。離離明月出天山，萬里長征人未還！當時唯傳賢卜式，毀家方紓國步艱。嗚呼，三悲兮淚自潛！今我中華其何顏？

漢家帶礪自山河，破虜曾經馬伏波。白首提戈歷蠻瘴，後車贏得薏苡多。男兒死堪馬革裹，生不成名轉奈何？款段下澤本無賴，銅柱至今尙巍峨！祁山六出並蕭曹，五月渡瀘入不毛；但使攻心爲上策，能令擒縱不辭勞！馬前稽首寬天討，從此南人安絕徼；古來耀德不觀兵，若夫安邊乃其要。嗚呼，四悲兮淚徒拋！今我中華已寂寥？

心懷王室謝東山，江左風流未可刪；秦國投鞭方百萬，如潮勢欲捲東南！玉樹挺身玄與石，山野圍碁尙對客；捷書頒來了不驚，歸去有聲聞折屐！雅懷謀國濟阽危，八公山前草木威！兵敗勢傾國旋滅，磐石方留一綫垂！嗚呼，五

悲兮淚如絲，今我中華已不支！

南渡以後論名將，獨教蘄鄂得精忠！鄂王有子堪饒勇，撼山駁已有父風；夫
人矯矯善殺賊，白日桴鼓大江中！誓懷壯志共犁庭，迎返二帝還舊京；當時
獨有奸相誤，割地深求城下盟。蹇驢向晚秋蕭瑟，西子湖邊留忠骨！可憐采
石勢駸駸，一戰尙賴虞允文；自使江南安半壁，忍見乾坤滿賊氛！嗚乎，六悲
兮淚欲吞！今我中華氣已昏！

中原淪沒垂百載，亭亭我祖號元璋；江山奪得胡兒手，九五重興日月光！丁
卯實逢倭夷患，猶賴風雨障高牆！丁卯命湯和築
海城倭寇成祖英烈亦堪喜，屢遣鄭
和下西洋；宵衣旰食不暇給，年年御駕在邊疆。世宗之世倭復至，又賴名將
戚南塘；平海一役賊盡齎，大功堪與海水長！嗚乎，七悲兮淚空多！今我中華
已蹉跎！

宋明季世有孤忠，閣部英賢信國風；有生俱值板蕩候，矯如松柏蔭長空！江山如潮不可障，獨賴正氣與抵抗！可憐燕市獄經年，宛轉心如鐵石堅！東市再拜臣死矣，有誰護駕到南天？淮泗洞開局已非，孤城一片落照危！忠勤此夜史閣部，悵念時艱一淚垂！赤心到底尙衛國，明月梅花弔忠魄！嗚乎！頭可斷，身可死！此心與日同終始！家可亡，國可滅！此心料已無斷絕！君不見新朝紛紛列朱紫，幾輩覲顏未足恥？嗚乎！八悲兮淚未已！今我中華氣已靡！

義聲一片歷洪楊，民族沉淪厥可傷！急起神州光舊物，可憐此意誤蕭牆！二洲風雨盪遠東，尙有斯人懷康同；新會先生詩：康同與願違。新民事業厥堪念，忍見友生

殉國終！武昌辟歷天下響，還我山河如反掌！徧地欣逢五色春，從今民有與

民享。歐西五載風雲忙，猶賴公理抑強梁；當時不用先生計，眼見汹濤集遠

洋！遠洋洋太嗚乎！九悲兮淚正長！今我中華其徬徨！

噫吁悲哉！天茫茫！地闇闇！海昏昏！日慘慘！風蕭蕭！雨晦晦！鬼哀哀！兮神驚驚！戰雲飛
兮長山白！野烟障兮黑水青！彼矮童兮，不與我好兮！胡豺狼之成性，又魑魅
之噬人？掠我瀕海，虜我人民，蕩我城邑，毀我文明！既前世之皆然兮，已今茲
之益紛！彼方冀大陸以爲國兮，割九州以爲城！囊三省于一旦兮，恐師出之
無名；藉移國際之觀聽兮，用先愬予以不情！彼美人兮，猶姍姍兮！既遲予之
又久兮，胡芳詢之渺然？渴雲霓之何日兮，暫慰予以嘉言！國聯大會已通過報告書嗚呼！
寇深寇深！滿天蝦夷入國門！速醒速醒！舊業何時返盛京？自救自救！河山永
固國永壽！

他山集

秋日憶清華同學五首

一、憶仲翔

中宵獨不寐，起坐憶仲翔；遙知上京月，應共短檠光！感子向來意，秋風淚幾行？

二、憶達人

興國姚名子，論道吾所師！伊人秋水隔，日夕空縈思！豈曰別離久？茅塞恐吾滋！

三、憶侑厂

侯子擅氣概，矯矯人中龍！並世才華少，論文意氣雄！滬濱一握手，秋山又幾重？

四、憶虛心

顏子久嗜學，萬里覓名師；同堂似膠漆，閒日理桐絲；聞道琴弦斷，淚揮不自支！

五、憶子馨

吳子近無恙？著書盈百箱！經世文章在，照人肝膽香！知音獨不見，遠樹立斜陽！

海上餞別侯大

一別三載隔，積思等山阜，秋深子不來，落日回我首！何意新春花，復對故人酒？行樂宜及辰，杯停莫在手，人生千萬恨，賴此掃愁帚！便爾長顏廢，也共心魂守！君不見船頭日落風怒號，明日相思隨海潮！

感賦示清華諸同輩

春樹梨雲正好看，風光前苑又歌殘；三年學得琵琶就，抱上別家船上彈。

送友之遼東

一出榆關萬里賒，邊城此夜聽悲笳！故鄉山水名天下，何事飄零到海涯？

此按

辛未國難
以前作

呈吏部陳散原太老師

桐江寂寂一簑翁，盛事開元俯仰中！循吏頌聲鳴日下，驚人佳句滿江東！回看故國山河異，誰與遺臣感喟同？自放扁舟歸去也，那容雲水伴孤蹤！

寄塵頃以所著續秋雪詞稿見示敬題二首

夙有斯文重，君家白仲間！林花尙點染，野鶴久孤閒！菰蒲江灣路，期君千載還。

雅有滄洲興，平生萬首詩！裁成白雪句，悵值莫秋時！非公擅雅調，我幾忘途迷。

迷途何時返？嘈雜羣兒頑！音猶追正始，氣欲吞荆蠻！高樓日風雨，悵惜未應閒。

贈陳漱子

延陵陳漱子，文史匹斯同，

漱子治明史，頗有創獲，吾以方之萬斯同云。

高懷逢世亂，冷淚向秋風！

雖有名山業，未甘一卷終。

寂寂時方莫！長鋏欲何從？君言意不適，獨臥故園東；匪愛江上鰈，長悲林下

風！

君是時適有鼓盆之戚。

贈愚可

詩句紛紛衆口傳，風流欲與繼青蓮；此身合是蓬瀛客，誰道相逢在市廛？容有文章撐宇宙，偏饒涕淚感山河！世人都道流離苦，誰解詩人苦更多？秋深頻問關河信，落日空餘鼓角哀！杜老詩情王粲賦，一齊併入感中來！

滿地干戈聊縱飲，百年身世強登臺！看他龍虎風雲輩，誰是山河割據才？
異代勛名成幻想，千秋述作只空期！那堪酒醒鐙殘後，一片雄心付劫棋！
故鄉年少盡知名，媿我牢愁已半生！多謝梁門師友意，學書學劍兩無成。

戊辰春日感懷寄姚達人清華

雲樹迢迢路幾千！干戈擾攘忽經年；吾生愧乏安邦計，獨立蒼茫意惘然！
懶坐青氈閱歲華，偶從里巷話桑麻；溪光草色閒如許，忙煞營巢燕子斜。
花間聽雨緣溪坐，陌上尋春載酒行；一自風流雲散後，幾堪回首話春明？

喜重華學社成立兼勗諸同學

繞地欣看草木蘇，果真一卷見真吾！人從別後仙源隔，物感春來化雨濡！
舊業微堪續洙泗，嘉名還與配蒼梧！關山落日行程遠，莫認康衢是畏途！

贈柳心

巾幗文章論健手，惟應匹馬讓君先，論壇解放開新格，說部風流出短篇，皎皎初懸空外月，盈盈合妒水中蓮，嗟予久費爲詩力，只是無才擬謫仙。

題桐竹園呈春嶠兄

故園佳氣日葱葱！曲水闌干衣帶通；幾樹烟霞迷曉色，半堦桐竹勁秋風！干戈老去名猶淡，尊盡年來興不空！欲把釣竿江海別，浩然此志與誰同？

寄仲翔甘肅

一載同門友，相思不見君；唯將雙淚眼，遙望隴西雲！

感示某君

儒林藝苑久荒蕪，墨訣孔言省得無？聞道九州大同日，祇應端識左行佉。

秋日懷子雲汪吟龍

西山傾蓋倒于今，烟月藤蘿自撫琴！無限江天好秋色，一時付與老龍吟。

寄友

詩人例有古今愁，把卷沈吟未卽休！還愛羊裘垂釣客，一尊自拓五湖秋！

感示仲翔

頃與仲翔共學清華，見所作多感憶金陵山水之辭，憶仲翔亦知予爲南都過來人乎？漫成一絕。

北遊詩卷托孤呻，憔悴金陵花月痕！我與仲翔同一夢，青山俱是過來人！

哀

樂

集

輓康南海太老師

政紀維新第一人，大同妙義信無倫！何原當日叔孫輩，狂詆尼山久亂真？
避世長從世外遊，天風海水不勝愁！一番歌哭追東魯，上溯二千四百秋。丁卯

之春，公遊青島，逝焉。梁師任公在京，聞耗，開會追悼，弟子至者達數百人。

從此斯文成絕學，仗誰衛道作中堅？西河抱得遺經在，薪火千秋接緒傳！

題攢淚集

新會梁師任公比以平生所作誄詞祭文之屬，錄爲一集，名曰攢淚，而屬弟子題焉。拜成

一律。

獨著文章欲等身，又從行誼見天真！每多涕淚揮親友，大有肝腸動鬼神！地
老天荒留宿恨，鏡花水月嘆前因！蒼茫人事終難問，精力還求爲國珍。

輓海寧王師靜庵

哀樂集

東原去後觀堂出，再起斯文二百年；收拾殘經傳絕緒，鉤沉古史得新篇。
工字廳前逢雅集，風詩說劍興偏長！不知此老懷孤憤，逕欲向人訴九章。字工

癸卯在清華園古月軒東，春夏之交，記與師友集識於此，酒酣先生起誦九章焉。

禁垣一路起桑麻，城闕秋深噪晚鴉！莫向南齋愁故事，江山終古浪淘沙！師京

紫禁城拆毀，先生爲之感嘆累日，又鼎革後，先生營寓京師黃瓦門，時官南書房行走。

千秋幽憤含湘水，萬里長風接鉅川！梁鉅川先生於民六自沈西直門外淨業湖。地下相逢同一哭，孤臣末路總黃泉！

輓梁師任公

緬懷夙昔談經處，桃李春風一徑幽！抉奧指微延絕緒，殘鱗片羽亦千秋！輕車忍憶倉黃別？絳帳空餘涕泗酬！此後芸窗披手澤，師門回首不勝愁！

同上

四海沉淪公砥柱，天留木鐸警羣邪；存心只欲爭人獸，不爲一身不爲家。
滿地瘡痍劫未休，頻揮老淚向清秋！不論學術論心術，也占人間最上流！
幾輩英雄逐末流，坐看糜爛遍神州！先生不爲功名急，收拾人心是本謀。
指陳時弊屢興嗟，鑄造人才爲國華；一自賈生留馬帳，獨餘湘水咽長沙！

營主講長沙時務學堂，松坡蔡塢爲其時高弟焉。

先生

新民同氣久凋傷，壯志風雲夢一場！三十年前當此夜，扁舟正渡太平洋。
手把民權易小康，子輿再世等輝光！共和千載編新史，應溯「維新」第一章。

歐陸洶洶起戰場，誰憑公理抑強梁？當時不贈繞朝策，眼見風濤集遠洋。
大同義自殊南海，砥柱功高讓合肥；肯爲中原惜民瘼，不教左袵擅天威。
河山事業競逢迎，辟歷渾教魏武驚！不是師門桃李色，幾回御柳獨青青？

滄海橫流劫未央！回天偏欲托文章；那知畢世太平夢，到底猶歸「烏托邦」！
藉藉聲名婦孺驚，終期一見慰生平；清華嘗憶侍陪日，不盡依依小子情！
風雨蕭蕭集病床，可憐一語總難詳；諸生若欲求遺訓，祇念平生快雪堂。
後見

梁門哀感
錄之九

屠蘇懽樂正家家，多士煩冤泣歲華！總爲程門嘗立雪，應教縞素遍天涯。
噩耗旋驚天地覆，滿懷涕泗不勝悲！蒼茫家國愁如海，又是心喪腸斷時！
猶是春風坐對時，坐令絳帳泣空幃！猖狂誰與裁吾黨？一詠歸與一度悲！

梁門哀感錄

一、記海甸觀燈

海甸逢元宵，萬家燈火烈！同堂七八士，散步玩芳節；星河各斑斕，板橋縈殘
雪，振衣上高岡，身與黃塵絕！華月對西山，皎皎懸空潔，因念吾師文，光芒卽

此月，月既不長圓，人亦傷離別！燕逐東西飛，車分南北轍，弟子伏蒿萊，中心有如結，所慰登龍門，聊以自怡悅！一夕泰山頽，肝膽爲摧裂！悲極不知悲，熱血爲誰熱？祇覺失所依，大道空無極！

海甸在清華園西南三里許

二、記初謁

初謁師門時，乃在清秋節；玉露滿清階，月明疑照雪！弟子十餘人，坐分兩行列，各陳研究題，指授聽師說；各飽所需歸，中情何怡悅！端傷兩稔中，人事隨易轍！呼號欲問天，創我亦胡烈？奪我海寧師，喪我新會哲，使我羣弟子，無言但感咽！

三、記西柳村散步

晚步出校門，沿溪訪幽花！偶到溪盡處，園戶有人家；黃犬抱地睡，青童學種瓜；欲分片席地，起坐看晚霞。光景每易逝，回首徒生嗟！西山應無盡，爲我迴

雲車。

四、記天橋買葛

天橋在北平正陽門外

孟夏昔在校，季子尙寒袍，記與馮仲子，買葛到天橋；歸去柳陰路，新詩驢背敲；當時欣有得，萬事等弁髦；方謂點也志，可以長逍遙！孰意嶺上梅，一旦朔風吹，一吹樹枝動，再折樹枝垂！梁空巢亦落，羣雛日分飛！

五、記諸園廢興

西郊多園宅，廢興事可嗟！玉殿誰家址，一一蔓寒瓜！秋風幾百度，尙有我清華！樓閣崢嶸起，嘉樹種桃李！長日弄鉛丹，清宵輦哲理！雍容處一堂，樂道遽云已？終恐梁木壞，大道生荆杞。

六、記朗潤消暑

夏景隨處盛，朗潤亦風光！憶偕素心友，柳陰乘晚涼，憩息板橋畔，遊魚方出

塘，芙蕖饒新意，妍約水中央；相對消永日，物我兩相忘，白日忽西匿，林陰遂不長！棲鳥心不定，獨乃臨風翔，三匝既無依，宛轉歸故鄉！迄今懷泗水，涕淚感滄桑！

期潤園名，在清華園西南二里許。

七、記別子馨

記共吳子別，盛夏沾水隈，流水蕩蕩去，遊子意氣灰！暫約秋後返，西苑叢菊開，三秋人不至，行負菊華杯！敢遂戀家室，中原方虎豺，恨不生羽翼，春風共雁迴！自與吾子隔，學道日以塞，欲還舊時我，悵悵不可得！每念吾故人，相思輒如焚！何當共尊酒，重與細論文？秋雨燈前夕，春風雪後晨，馬帳嗟已杳，我懷良不伸！寂寂遼天雁，孤飛正念羣。

八、記與侯子同舟

昔與無爲侯，同登大海舟！風波不能寐，起視立船頭；船頭浪翻覆，撼天天欲

縮如出先生文，海天波一幅渺渺，今何在？元氣無時改！無爲安微縣名。

九、記北海訓話

輓近世風變，學術導其機；所在倖功利，往往襲歐皮。惡因寢所至，焉識仁義事？水火與刀兵，殺傷盡兄弟！夫子輒曰：吁！吾非斯人徒？援之出慾海，正唯予職乎！誓假政以治，政紊如亂絲！何如興教育？努力開始基。水木清幽地，講學最所宜。一時王安靜陳恪寅趙重宣海內皆大師，翻然來主講，重爲吾道支！夫子行尤健，獨嚴義利辨，春風快雪堂，在北海松坡圖書館一再相勗勉。教起由自身，于以及同門，同門相感應，漸以化同羣；所至唯心主，自無欲作蠱，遠之天下安，近爲一身補！此言良足珍，再拜書諸紳；師乎遽云歿，大道付閒人。

輓侯嫂吳夫人兼慰芸子

芸圻以中秋前一夕，在京接其令配吳夫人哀耗，噫！冰輪不滿，娥影長沉，芸圻豈能遺此

戚耶？爰成一律以慰之。

清秋客思轉飄蕭！何處雁聲送寂寥？金粟花殘香欲冷，玉樓人去月無聊！空
餘化石千年恨，始覺求名七載遙！兒女未干丈夫計，堪將俠骨換情苗。

悼亡

重陽風雨際，消息使人愁！未免丈夫淚，且爲兒女流！昏燈殘半壁，歡語憶重
樓！人世離憂苦，相纏轉未休。

記送姚公允咨葬

去歲關東行，曉月出上京；流鶯初破舌，楊柳暗含情！惻惻道旁影，相顧轉分
明！尙謂歸來易，再作南浦迎。心傷從此別，萬里空歸靈！今日又送公，薤露悽
未終！一番離別感，死生永不同！執紼江上村，風飄雨又昏！野草枯黃色，綠楊
寂寞恨！棲鴉驚野哭，落月淡孤燈！不見道旁影，空驚月下魂！哀思終何益？祇

爲平生恩！

悲懷

霜天孤棹伴殘魂，歸到荒村哭到門！太息繡幃人去後，滿庭烟霧立黃昏！

遺蹤

小園竟日自徘徊，尙想遺蹤益可哀！記得溪橋花下路，伊人曾爲采桑來。

憶舊

當日西風客未歸，霜天萬里寄寒衣；敝裘一夕閤門轉，愧你何曾不下機。

輓潘母康太孺人

萱堂風雨漫相摧，日斷仙鄉去不回！休獨王修私抱恨，一川桑柘永停杯！
哲嗣奇才易九州！錦囊佳句久貽憂；分明記得青燈夜，一片機聲人白頭！
近看弱水又興災，城郭人民換不回！此去永隨王母住，更亡遊興到蓬萊。

挽楊丈

早擷芹香入泮池，長揮彩筆豔當時！名場回首渾如昨，滿眼西風鬢又絲！
曾把滿園桃李栽，春風二月有花開！枝枝都抱傷心色，只爲先生不再來！
蹤跡平生愛閒遊，烟景不饒鸚鵡洲；莫問西飛黃鶴詢，舟人指點莫雲愁。
數點秋光迎客去，一江春水載愁歸；烽烟最是無情物，老病相如膽易摧！

悼內弟松青

柴門雨如絲，懷君君不知！悠悠我思！
柴門雨如綫，望君君不見！迢迢我念！
柴門雨如繩，悲君君不聞！勞勞我神！

輓康侯叔祖

何人得似白雲閒？美酒新詩日破顏！差喜園林寬歲月，厥憐蕭瑟動江關！朱

方歷歷花千樹，滬水茫茫月一彎！記得平生遊讌地，獨餘孤憤在江南！

壽仲生太叔祖七十

三千年熟是蟠桃，此會良知不易遭！自喜看山心尙健，人歆蓋世酒尤豪！獨
標氣節追先德，直把風流接楚騷！經濟文章餘幾輩，晨星寥落北辰高！
花甲重周又十年，閤堂懽舞拜公前！東山絲竹堪行樂，北海尊壺喜共傳！華
好月圓人壽日，橙黃橘綠蟹肥天！消閒便是長生訣，鶴髮童顏不羨仙。

賀桂樵內弟續弦

一夕歡聲動九天，紛紛珠履客三千！遙知鐘鼓今宵樂，不減周南第一篇。
前度劉郎又隔年，良宵喜見月重圓！嫦娥不解行雲意，好待巫山夢裏傳。
姻緣文字屬君家，詠絮才高夙所誇！聞道蕭娘閨閣裏，閒裁蕉葉寫南華。
春花秋月擬姿顏，烟鎖雙眉畫遠山！漫訝三生修不到，溝流紅葉到人間！

祝商務印書館三十五週紀念

不堪已事憶咸同，薄海淒涼語夏虫；三十年來勤灌溉，伊誰主創溯深功？回
看厥業程將半，差喜斯文日再中！寥落天涯逢盛典，獨憑弦管慰春風。

鴻爪集

江北行

草散平原麥蕩波，花開荳蔻野香多；
春風十里揚州路，不信人間有綺羅。
春郊偶步

閑日郊原麥漸青，東風人在碧波行！
尋春自有舞雩樂，欲挈時流喻此情。

頤和園

雨裏山色濛，微風湖水激；
頤和春好處，翻不在宮殿。

題諧趣園

園爲頤和園中勝地，夏景尤宜。

迴廊盡日碧波澄，暑殿涼生六月冰；
一帶鳴泉流不斷，綠陰輕覆紫蘿藤。

午睡

一簾微雨欲黃昏，午睡醒來自閉門；
香燕集成春又去，滿懷綺思向誰論！

登塔

已見羣峯小，超然物外身；請君休駐足，猶有最高層！

題金山塔

古今皆過客，天地一微塵，轉向微塵裏，玲瓏見七層。

靜坐

請君且閉目，萬事只觀心，貫徹本原處，無言自古今。

其二

君問窮通理，嘆我言無據：本自混沌來，亦向混沌去！

待梵詞

斷然無始亦無終，盡入諸天變象中；豈識繁華易憔悴，未虞破壞是成功。
西山日落月東遷，落月西沉日又旋；料是天空頑把戲，長拋日月作雙丸！

地球亘古未人烟，一片琅玕白石田！指石田時代逮及義農勤稼穡，旱荒水澇復年年。

衆生進化永無邊！靈長尊嚴獨比天；設把虫魚比雞犬，焉知雞犬不神仙。
跳虱處禪亦可憐，高談越世總欣然！箇中只解箇中箇，天外方欣天外天。
海外諸星拱北辰，綠窗宛轉見精神；安知箇裏乘槎客，不識神州亦有人！
畢世恩仇認未清，總緣疆界太分明；行看日月終銷毀，豈復人間父子情！
山外斜陽已早昏，山中人世不堪論；君看枯柳寒條外，應有芳痕是劫痕！
淒淒冷冷復清清！半刻乾坤也未停；十二萬年周始後，九天日月見長明！

紅葉

一番寒雁下汀洲，紅雨漫天半是愁；不應春花來比擬，可知雖死亦經秋？

蘆花

綠楊岸北小橋東，碧玉年華憶舊蹤；一臥滄江頭似雪，幾回搖落對西風！

詠梅

空有憐芳意，梅開今幾時！漫須惜遲莫，還與共襟期！

不寐

市聲寂寂吠聲清，獨倚匡床夢未成！佳節久從閒裏過，清愁唯向暗中生！虛窗月入疑侵曉，敝舍驢鳴忽應更！長憶去年當此夜，滿天風雪下徐城。

歲指從往

戎事

過圓明園

斜日興亡感慨多，名園佳處輒成禾！遙知四十清幽處，祇剩殘塘半畝荷！

王湘

精明園詞有句云：齋堂四十皆依水，自註云：園中凡四字題額卽爲一所，都四十所，純皇以爲四十景。

題圓明園故井

一代宸遊地，千秋瓦礫場！斜陽宮井在，曾照昔年粧！

詠雪

此丁卯春日作，正江浙聯軍敗潰時也。

撒遍林塘曲，春城一夜中！但愁千里白，輸與一輪紅！

古別離

豈道不相思，此愁應誰訴？夜半捲虛簾，空見月華素！

其二

歲歲送君行，行行人何處？翻應勞夢寐，踏遍關山路！

其三

當日同遊處，香深花滿樹；經時又獨來，黃葉空山路！

九日登天平靈巖諸山

春明南下久黃埃，一識名山倦眼開！眞境會從高處得，丹楓迴倚白雲栽！無

邊怪石當空起，不斷柔峯照雨來！且欲館娃尋故跡，西風斜日滿蒿萊！

大造歌

生本胡自來，死亦行胡去？尋思宇宙間，生滅兩不住。

其二

大造本無物，萬象總由心；君謂予不信，闔眼自追尋！

木芙蓉爲淑宏作

木葉秋後盡，芙蓉江上閑！一枝初照水，盈盈若可餐！本是春風種，何來向秋殘？物理有自好，難可與人看！

記辛未大水

神州落日灑闌際，一片茫茫接太虛！城市三千隣澤沼，黔黎億萬變虫魚！請看點點匡廬景，猶是斑斑血淚餘！時江西北匪患正亟亦欲窮年論疏鑿，斷知神禹久

坵墟。

菜花

遍地黃金不療貧！分些顏色在饑民；異時一碟黃芽菜，曾作華筵席上珍。

菜菔

八月田中蔬，風味思菜菔，披露擷兩三，朝港帶泥浴！壓雪綠盈盤，濺牙紅映肉！可以薦嘉賓，可以供旨蓄，歲旱魚蝦少，得此堪陪粥，人生長如此，安得非仙福？底事食蒸豚？終惹蘇眉蹙！

人生

天地一廣洋，衆生一孤島！獨立當中流，四顧漫浩浩！

其二

前路漫浩浩！波深幾時到？悔爲滄溟行，悠悠不可道！

階前紅牡丹落感成二絕

勝他魏紫與姚黃，一縷紅雲照玉堂。幾日芳菲衝曉霧，東風卸盡美人裝。
開元舊事漫重商，一曲新聲合斷腸。太息倚闌人去後，名花艸艸過千場。

立夏

匆匆又見碧成圍，錦簇花團都已非。自使綠陰便駐足，何須淚眼送春歸？

改淑鴻寄姊淑文之作

嘗記喁喁語碧紗，誰令相憶在天涯。朝來別緒縈心起，有淚空彈枝上花。
故鄉此日復音沉，客裏相思淚轉深。千里關情惟姊弟，肯教病榻慰相尋。
起來無力掩窗紗，一病年來瘦似花。除却眼前憐我者，更應憐我有君家。

聞江北匪患感作

千里家山入夢中，杜鵑血淚滿東風。端傷此日通如泰，已況年前海陸豐。

蘇遊

姑蘇三日把船行，且喜羣山郭外迎；向晚鐘聲聞古寺，一時遊興到天平！

歸來

歸來兀兀事殘編，日日蕉窗聽雨眠！回首三吳風景地，不勝今昔獨潛然！

論建設

諸公談建設，杞憂私未了！焉能絕仁義，苦口言王道？

蛛網

百尺綰晴絲，布成八面網；寄聲蜂蝶兒，莫輕墮我掌！

論學

讀書不求解，求解豈通人？君看古來幾輩沾沾號爲學，只有諸葛五柳解其真！
論彼所謂學：不涉空疏，不甘叢脞，不襲腐陳，獨自遺貌求其神！不然，其學

何以有其人，其人何以有其文？君不見兩表涕零前出師，又不見三徑松菊歸去辭，其人其文俱千古，小儒硜硜方自苦！

題小園竹石圖

幽居不妨小，有石自能奇！半角崢嶸裏，無風竹自披！

懷舊

依約去年重九時，東籬把袂酒盈卮；而今辜負黃花約，冰雪心情欲語誰？

歸來

歸來小院隔窗紗，日暮空聞笑語譁；焉得此身長似月？清光夜夜伴梅花！

過墓田

一路青青好墓田，半邱落日柳含烟；男兒生不能千戶，到此淒涼亦枉然！

感作

收拾河山着網羅，脂膏汲盡化干戈！南朝幸有民生話，不抵豬苓一味多！

立春日梅軒招飲

乍覺陽和轉，春風到酒杯！梅花如有意，喜爲故人開。

飛鳥曲

某女士皖上世家，遊學金陵，尙自由之愛，顧乏擇木之明，已遭離棄者再，今所懽者爲一尋常小學教師，不知一縷深情，得便相依終老否也？女士甚善屬詞，嘗著金縷曲好姐姐以寫恨，潤州潘愚子有詩記其事，余亦成飛鳥曲一首，風之蓋所以傷之也。

三匝南來無可依，如君失路亦堪悲！而今速作歸林想，猶可烏巢占一枝！

金縷曲

某女士

驀地驚秋至！最難禁銀屏燭冷，繡簾風細！兀坐蕉窗清不寐，但覺嫩涼如水！且漫說別離况味，往事思量腸欲斷！到而今生怕重提起，彈幾點斷腸淚！迴文織就憑誰寄，望天涯

青鸞無信，白雲無際！千里關山音訊杳，盡在深閨夢裏！奈依舊醒時忘記，愁緒滿腔何處訴？
態惺忪，懶把闌干倚，纔知道爲情累！

好姐姐

全前

再休題！把黃金鑄伊，也辜負煞錦衾翠被！怕前塵影事，一斑斑都化做淚！

惆悵詞

百花風裏子規啼，不斷青山到馬蹏！偏是王孫歸未得，惱人芳艸綠萋萋！

敬題曼君叔祖桂之華軒詩集

建安詩筆獨嵯峨，落日從軍志未磨！卽把五言論骨氣，猶堪一代障山河！
狂歌醉倒在天涯，往日三韓服漢儀；公死我生三十載，版圖永屬呼韓邪。
故鄉人物散風烟，餘子紛紛誰象賢？我欲一甌懷祖澤，清秋一卷桂華篇。

移音

呈叔清岳叔

故園繁桐竹，夏至滿清陰！且容安隱計，閒作梁父吟；
斗酒北窗下，高懷忘古今。

盼書

遼塞音書斷，相思秋復春！柴門偶回顧，過了綠衣人！

偶感

蓺桑十畝不成林，枉却閑閑一片心！還愛鄰軒叢竹好，短牆分得半窗陰。

到家口占

頻年作客未曾回，寂寞蕭齋半是苔！松菊相知堪笑問，主人今日始歸來？

荷錢

一莖泥中出，數點水上浮；青錢人不買，徒事黃金求。

聞蛙

便從細雨得新涼，小扇輕羅夜未央；一曲閒庭新樂府，蛙聲特地滿池塘。

立身吟

少年莫羨繁華枝，開到繁華能幾時？最是含芳猶未吐，十分蘊藉是吾師。

燕太子丹遣荊軻入秦

六國漸微削，暴秦如虎狼！夫爲縱計者，何異驅羣羊？燕丹圖報復，中心屢自傷！空有三千客，臨危不救亡！衛人荊卿者，俠骨氣易張！感丹知遇雅，西行刼秦王。徒行而無信，秦可欺以方；願假樊侯首，捧圖獻督亢；慷慨樊將軍，赤心耀鋒鋌！同仇輕一死，引頸試干將；悠悠易水去，人世兩茫茫！

黃河

兩岸英雄盡古坵，爲誰東去更無休？異時得借馮夷力，獨挽長河西北流。

長江

符堅乃自詡鞭多，不准臨江匹馬過；指魏主叡，吳臨江與歎事。天愛神州多割據，一條雪浪障山河！

驥江秋晚

秋入驥江道，宛然似畫中！舟行沙岸曲，人過板橋東；雲脚街頭雨，浪花水面風！出門閒佇立，古樹盡蔥蘢。

橋頭

赤足牽驢過，童頭負販歌；悠悠行路客，半爲稻梁謀。

齊宮怨

齊姜醉遣晉公子一事，千古美譚！詩家迄未有能注意者，而「浣紗」「出塞」諸事，本無關巨旨，反爲詩人津津樂道；噫！何怪千載下巾幗之氣，一隨風騷以俱盡也！觀其對重耳之言曰：「懷與安，實敗名！」噫！此「懷安」二字，千古英雄沉沒此間者何限？而不謂

其出於弱婦人之口也！及夫桑林密議，刃及蠶婦；深宮謀醉，強遣渡河，其發揚蹈厲慷慨悲歌之精神，至今猶流炤汗史，永爲吾女界同胞所心儀崇拜之模範人物，而可不咏之嘆之耶？是爲序。

數世河山競長雄，濮陽一戰啓豐功；可知後半春秋業，早在夫人計畫中！
身世悠悠與水同，平生意氣爲誰雄？二隗寵幸秦嬴妒，不值峨眉一盼中！
往事深宮淚不支，君恩也得費人思；空憐百折黃河水，一去終無西向時！

文晉

薄倖比至成功歸國終不遣一介之使，迎姜西歸，致使終老於齊宮，惜哉。

千載斯人已獨還，謝君一語炤人寰！至今何限英雄淚，仍在「懷安」兩字間？
此爲東省某疆吏致歉。

贈淑宏

他鄉草草卽成家，况復兵戈閱歲華！賴有榕盤供語笑，却知何處是天涯？

况余徒有詩書好，之子尙無世俗情；門外寒霜新撲地，但能有酒愧長醒！

孤光

夜迷迷，雪茫茫，大地繁華夢一場！多情憐月姊，亘古自孤光！

偶題

長夜漫漫兮！孤館寂寂兮！何處秋聲兮，入耳淅瀝兮！幽夢不成兮，虫聲四壁兮！起視遙天兮，衆星歷歷兮！

花間

花間賴有酒如泉，到此難慳一醉緣；面上梨渦池上月，照人能得幾回圓？

附錄

記淑鴻哭四弟松青辭

松弟：

你不見了，

你好久不見了，

你永久不見了！

我記罣你，

我想念你，

我痛悼你！

然而我卒不見你了！

附錄

箇中傷心，
從何說起？

※

※

※

※

自從母親逝了，

文姊嫁了，

你的少年幸福，

差不多全交給與吾了。

此後六年之間，

你有病我看護你，

衣食我照管你，

玩耍我陪伴你；

你也不曾一天離開了我，
我也不曾一日忘記了你，
托天之靈，
汝已長成，
待我亦不差，
我中心歡喜！
那知你不久離隔了，
你永久離隔了！
嗚乎松青！
從何說起？



去年我嫁了，
來到上海：
那知遂病了，
病了好久。
你不放心，
屢屢寫信來問候我；
又不放心，
親隨六姊來看視我；
千里骨肉，
一番團聚，
使我中心得了不少安慰！

※
※
※
※

後來我病癒了，

來到家鄉，

家中都好，

你在店中很會幫忙，

大哥常常稱讚你的能幹，

我也欣喜你的健康！

那知你未久病了！

※
※
※
※

八月三十的那天，

你微寒惡熱，

附錄

消化不良，

旁人道你是瘧疾，

我以為你不過受了微涼；

那知你病忽已深了！

※

※

※

※

飲食久不進了，

睡眠久不安了！

腹痛，泄瀉，嘔血，便血，

種種的病都來了！

醫生都束手了！

家人格外慌張了！

你的後事也逐漸擺布起來了！

不知趣的陳媽，

把你送老的衣裳，

拿給你看；

熒熒的燈光，

照着你久病的容光，

格外淒涼！

然而你猶連聲徒呼負負的道：

『笑話，笑話！我便長此終古也罷！』

※

※

※

※

松弟：

大凡人到不得已的時候，

只有自打倒算，

而況人生是一件脆弱的東西！

側身天地，

當來則來，

當往則往，

固無所謂繫戀，

而亦不容你的繫戀；

固無所謂迴避，

而亦不容你的迴避。

你不過以爲你：

血氣方剛，
青春年少，
倒會死麼？
你不過以爲你：
十年教育，
宏才未吐，
倒會死麼？
你不過以爲你：
受着家庭的培植，
毫無報施，
倒會死麼？

附錄

然而，松弟：

你要知道，

世間那有不死的人？

堯舜之聖而死，

湯武之賢而死，

孔孟之仁而死，

卞烏之勇而死。

古今來多少英雄豪傑，

在世時轟轟烈烈，

未嘗不想做個人；

然而一旦死神來到，

誰都赤手空拳的去了！

這是一個先例，

你也該明白這個道理。

你就不要呼冤了罷！

※

※

※

※

不過，所痛恨的：

母親生了我們姊弟四人，

這有你是個男子，

很希罕你，

原希望你能夠頂天立地！

她死的時候，

你已十四歲了，

母親以爲有了兒子了！

然而你今何在？

※ ※ ※ ※

父親生了我們姊弟十二人，

只因你是個幼子，

很喜歡你，

也希望你能夠頂天立地！

他死的時候，

你已十八歲了，

父親以爲你總有望了！

然而你又何在？

※

※

※

※

總之：天下事真可難說，
猶幸汝之死不在數年前也；
不然，

以父之愛汝而夭其子，
以母之愛汝而折其嗣，
人世傷心，

孰有過於是？

猶幸汝之死不在數年後也；
不然，汝年已壯，

設使有了妻室，

今日之事，

將使子哭其父，

婦哭其夫！

不亦增你黃泉下之依繫耶？

而你不死於前，

使生親慮；

不死於後，

使重家累，

你真何狡于死啊！

然而，造化弄人，

何所不至？

※

※

※

※

文姊出嫁的前一年，

遭了母親之喪，

我幾番痛哭！

僅僅滿了服，

父親又過了世，

我又是幾番痛哭！

現在也不過僅僅滿了服，

你又死了！

呀！這箇數年之中，

附錄

家庭遭幾番的變故；

我能有幾許淚眼，

以應此無限之變故？

嗚乎！

造化弄人，

何所不至？

※ ※ ※ ※

我總因你曾經受着我的照管的，

所以切盼着你快些成立，

取妻生子，

延了母親之緒，

使我可告無罪於吾父母！

那知你竟中途摧折了！

我以悲汝之故，

而重致傷於吾之父母：

九曲迴腸！

千行熱淚！

真不知人世有何樂趣！

然而，

你悲也，

誰管你；

你痛也，

誰管你；

你歌也，

誰管你；

你哭也，

誰管你？

你正落得乾乾淨淨，

處處遺忘着我，

離棄着我，

躲避着我！

我却又怎樣呢？

然而，幸虧你不知道我的傷心呢！

設便你知道了，

你却又怎樣呢？

嗚乎！

廿年骨肉，

一別如斯！

※

※

※

※

說起你歸根的所在呢：

圍城之北，

張家坎之東，

近村附郭，

一片葱蘢！

附錄

遙望我先父母的故封！

記得每年寒食，

和你來到這裏，

哭向東風！

今日又重來了，

連你也做了附近的塚中人了！

嗚乎！視天蒼蒼！

百川何日不流東？

堪把滿腔淚湧，

頓成十幅花紅！

你泉下好自依着爺孃吧！

我也不能爲你再傷了！

※

※

※

※

你別後的桐竹園，

好景還依舊呀：

小池的春水，

已漲滿了；

池中的魚蝦，

有誰來看他？

小苑的幽花，

也開遍了；

花上的鳥聲，

附錄

有誰來聽他？

還有那東園的叢竹，

西邊的柳黃，

也都籠烟疊翠：

系人懷抱，

動人詠觴；

然而，惠連渺矣！

誰爲此賞？

嗚乎噫嘻！

歸與歸與！

桐陰之下，

潞水之旁，
年年佳景，
日日流光，
你須記得，
你的故鄉！

附
錄

三

朱君慶福
芒來
滬西
林胃
始
云
号

魯陽集

中華民國二十二年六月初版

印數 一——一〇〇〇

版權所有
——
翻印必究

著者 朱 右 白

校者 張 淑 宏

發行者 女子書店

上海霞飛路五二三號

定價大洋三角五分

國內郵費二分半

